

# Whakakī Āputa

## Whakakīngia ngā āputa ki te kupu e tika ana

I whakakau a Makō hei \_\_\_\_\_ mō te iwi o Ngāti Kurī. Ka noho rātou i te takiwā o \_\_\_\_\_.

He whenua \_\_\_\_\_, he whenua \_\_\_\_\_ a Kaikōura nā konā ka muia te whenua e te pakanga.

Ko te rangatira o Ngāti Kurī te tuakana o Makō ko \_\_\_\_\_ tōna ingoa.

He nui ngā momo pā. E wātea ana te iwi ki te tiki \_\_\_\_\_, te kōhi \_\_\_\_\_ i ngā rā o te pakanga.

Ko te mahi nui o te pā e kore nei e hinga, he \_\_\_\_\_.

Tū ana te pā o \_\_\_\_\_ ki runga i te kūrae e \_\_\_\_\_ atu ki te tai o Marokura .

Ki konei ka \_\_\_\_\_ te tirohanga atu, ā, e kore e \_\_\_\_\_ e te tangata. E hia kē nei ngā kura takai puni i ngana engari kāore i pahawa.

Ko te rauhanga ia kia tīmoretia mai a Ngāti Māmoe ki waho o te pā, ka kuhu a Te Rākaitauheke te matua kēkē o Makō ki te kiri o te \_\_\_\_\_, ā, ka pō iho ka noho ia ki te takutai.

Ka whakatata atu a Ngāti Māmoe ki a Te Rākaitauheke, ka \_\_\_\_\_, ka whati atu te oma i te one.

\_\_\_\_\_ ana ngā toa o Ngāti Māmoe, ka aruarungia.

Heoi kīhai rātou i mōhio e whanga ana te \_\_\_\_\_ o Ngāti Kurī a Makō, a Maru, tā rāua taina a Kahupupuni me ngā toa horopū a Kurī.

Ka \_\_\_\_\_ atu a Ngāti Māmoe, ka tāroretia, ka tīmata te whawhai.

Paokatia te pokohiwi a Maru. Ka kite a Makō kua raru tōna tuakana, ka whakarei atu ki te \_\_\_\_\_ i a ia. Nā te āwhina a tōna taina a \_\_\_\_\_ ka tōia a Maru ki te wāhi haumarū.

Ka mutu te pakanga nui nei ka eke panuku a Ngāti Kurī ka tau hoki ki te pā o Peketā. Ka mahue atu a Ngāti Māmoe ki te tonga. I konei, i Ōpōkīhi, i kitea te \_\_\_\_\_ o Makō ki roto i tana māia, i roto i āna mahi whawhai, ā, i ora tuakana i a ia.

## Anei ngā kupu:

kurakura	pōike	whakakaurera	kauaeroa
māraakerake	Peketā	tūohorere	urutomokia
kai	konihitia	wai	parepare
rangatira	kekeno	tūpeke	Kahupupuni
Marukaitātea	pā tūwatawata	Kaikōura	hautoa

## Ngā Whakautu: Whakakī Āputa - Makō

I whakakau a Makō hei **rangatira** mō te iwi o Ngāti Kurī. Ka noho rātou i te takiwā o **Kaikōura**.

He whenua **kurakura**, he whenua **pōike** a Kaikōura nā konā ka muia te whenua e te pakanga.

Ko te rangatira o Ngāti Kurī te tuakana o Makō ko **Marukaitātea** tōna ingoa.

He nui ngā momo pā. E wātea ana te iwi ki te tiki **wai**, te kahi **kai** i ngā rā o te pakanga.

Ko te mahi nui o te pā e kore nei e hinga, he **pā tūwatawata**.

Tū ana te pā o **Peketā** ki runga i te kūrae e **whakakaaurera** atu ki te tai o Marokura .

Ki konei ka **mārakerake** te tirohanga atu, ā, e kore e **konihitia** e te tangata. E hia kē nei ngā kura takai puni i ngana engari kāore i pahawa.

Ko te rauhanga ia kia tīmoretia mai a Ngāti Māmoe ki waho o te pā, ka kuhu a Te Rākai-tauheke te matua kēkē o Makō ki te kiri o te **kekeno**, ā, ka pō iho ka noho ia ki te takutai.

Ka whakatata atu a Ngāti Māmoe ki a Te Rākaitauheke, ka **tūpeke**, ka whati atu te oma i te one.

**Tūohore** ana ngā toa o Ngāti Māmoe, ka aruarungia.

Heoi kīhai rātou i mōhio e whanga ana te **kauaeroa** o Ngāti Kurī a Makō, a Maru, tā rāua taina a Kahupupuni me ngā toa horopū a Kurī.

Ka **urutomokia** atu a Ngāti Māmoe, ka tāroretia, ka tīmata te whawhai.

Paokatia te pokohiwi a Maru. Ka kite a Makō kua raru tōna tuakana, ka whakarei atu ki te **parepare** i a ia. Nā te āwhina a tōna taina a **Kahupupuni** ka tōia a Maru ki te wāhi haumaruru.

Ka mutu te pakanga nui nei ka eke panuku a Ngāti Kurī ka tau hoki ki te pā o Peketā.

Ka mahue atu a Ngāti Māmoe ki te tonga. I konei, i Ōpōkihi , i kitea te **hautoa** o Makō ki roto i tana māia, i roto i āna mahi whawhai, ā, i ora tuakana i a ia.